



Félagsstofnun
Stúdentanna

Starfsáætlun 2017 - 2018
Leikskólinn Leikgarður
Umsögn foreldraráðs

Reykjavík 20/12 2017

Fyrir hönd foreldraráðs

Þorgerður Guðrún Garðarsdóttir formaður

Um starfsáætlanir leikskóla

Samkvæmt lögum um leikskóla nr. 90/2008 vinna leikskólar eftir aðalnámskrá fyrir leikskóla. Samkvæmt henni vinnur hver og einn leikskóli upp sína skólanámskrá þar sem fram kemur á hvern hátt leikskólinn uppfyllir þau viðmið sem þar eru sett fram.

Leikskólar gera starfsáætlun þar sem fjallað er um árlega starfsemi leikskólans, birt skóladagatal og ýmsar aðrar hagnýtar upplýsingar um skólahald hvers leikskóla. Áætlunin þarf að fá umsögn foreldraráðs áður en skóla- og frístundaráð tekur hana til afgreiðslu samkvæmt lögum um leikskóla.

Tilgangur starfsáætlunar er að gera skólaþróun leikskólans markvissa með árangursmiðuðum markmiðum og umbótamiðuðu innra mati. Hún á að sýna starfsfólki, foreldrum og rekstraraðilum hvernig starf leikskólans gekk á síðasta leikskólaári og hvernig unnið verði að umbótum og nýjum verkefnum á því næsta.

Í starfsáætlun leikskólans skulu koma fram:

- Matsaðferðir leikskólans og umbótamiðuð áætlun sem unnin er út frá niðurstöðum innra og ytra mats.
- Áherslur í leikskólastarfinu sem ætlunin er að vinna að, markmið, leiðir að markmiðunum áætlun um hvernig þau verða metin.
- Áherslur í starfsáætlun skóla- og frístundasviðs sem leikskólinn vinnur að.
- Starfþróunaráætlun leikskólans og upplýsingar um starfsmannamál.
- Heildarfjöldi barna, og fjöldi barna sem njóta sérkennslu og barna af erlendum uppruna.
- Foreldraráð, foreldrafélag, foreldrafundir og foreldraviðtöl.
- Umsögn foreldraráðs.
- Skóladagatal fyrir árið.

Starfsáætlun leikskólans tekur gildi 1. september ár hvert og skal skilað rafrænt til skóla- og frístundasviðs fyrir 1. júlí. Starfsáætlanir eru lagðar fyrir skóla og frístundaráðs til samþykktar.

Mat á leikskólastarfi

Tilgangur innra mats er að leggja faglegan grundvöll að endurbótum í leikskólastarfi og vinna kerfisbundið að því að auka gæði þess og gera það skilvirkara.

Markmið innra mats samkvæmt lögum um leikskóla er að:

- Veita upplýsingar um skólastarf, árangur þess og þróun til fræðslufirvalda, starfsfólks leikskóla, viðtökuskóla og foreldra.
- Tryggja að starfsemi leikskóla sé í samræmi við ákvæði laga, reglugerða og aðalnámskrár leikskóla.

- Auka gæði náms og leikskólastarfs og stuðla að umbótum.
- Tryggja að réttindi barna séu virt og að þau fái þá þjónustu sem þau eiga rétt á samkvæmt lögum.

Skólanámskrá leikskólans er skrifleg lýsing á því sem gert er í leikskólanum og á því sem á að gera. Þar koma fram bæði markmið og leiðir leikskólans. Skólanámskrá leikskólans setur því viðmið fyrir matið.

Tilgangur ytra mats er að safna upplýsingum um viðhorf foreldra leikskólabarna og starfsmanna til að nota við innra mat leikskólans. Að auki er það liður í ytra mati skóla- og frístundasviðs og/eða Mennta- og menningarmálaráðuneytis.

Hlutverk foreldraráðs

Samkvæmt 11.gr. laga um leikskóla frá 2008 er hlutverk foreldraráðs að gefa umsagnir til leikskóla og nefndar, sbr. 2. mgr. 4. gr., um skólanámskrá og aðrar áætlanir sem varða starfsemi leikskólans. Þá skal ráðið fylgjast með framkvæmd skólanámskrár og annarra áætlana innan leikskólans og kynningu þeirra fyrir foreldrum. Foreldraráð hefur umsagnarrétt um allar meiri háttar breytingar á leikskólastarfi.

Umsögn foreldraráðs:

Við í foreldraráði teljum starfið á leikskólanum Leikgarði sé til fyrirmyndar og lýsum yfir almennri ánægju með starfsáætlun Leikgarðs fyrir leikskólaárið 2017-2018. Áætlunin ber merki um að afar öflug, metnaðarfull og fagleg vinna á sér stað á Leikgarði og samkvæmt niðurstöðum mats sem Skóla- og frístundasvið Reykjavíkur gerði á leikskólastarfinu var viðhorf foreldra til leikskólans á síðasta ári mjög gott.

Okkur þykir jákvætt að sjá að áhersla er lögð á starfsþróun og endurmenntun starfsmanna. En slík starfsemi leiðir til umbóta og jákvæðrar þróunar sem hefur hag barna að leiðarljósi. Námskeið sem starfsmenn sækja á þessu skólaári eru t.d. HighScope, núvitundar námskeið og námskeið um þroska barna.

Í starfsáætlun skóla- og frístundasviðs er lögð áhersla á fjóra umbótaþætti sem Leikgarður mun vinna frekar með. Þessir þættir eru málþroski, lestrarfærni og lesskilningur, verk-, tækni- og listnám, lýðræði jafnrétti og mannréttindi og fjölmening.

Á síðasta skólastarfi var unnið sérstaklega með líkamsbeitingu starfsmanna og í ár verður lögð áhersla á núvitund ásamt því að efla enn frekar og betrumbæta samstarf við foreldra. Við erum sérstaklega ánægð með hve gott upplýsingarflæði er til foreldra og upplifum að starfsfólk gefi sér góðan tíma til að ræða við foreldra þegar komið er með börnin í skólann eða þau sótt sem okkur þykir mikilvægt.